




- 1 Lutheri /i Martini/ anblayung der 3ten
 Donner 5te 00
 Cürch band
 gebude, Wittenberg 1523.
- 2 Deutsche theologie Wittenberg
 1520
- 3 Sermon von Bann, Wittenberg
 1520
- 42. 00 Besprechung von jüngsten
 tage, Wittenberg 1520
- 53 Weim. 18, 315
 107 1/2 107 2R
 an 2er band
 von Brief von dem
 großen brief an die Bauern
 Wittenb. 1525.
- 6 Weim 00 von dem Krieg an die
 Wittenb. 1524.



- 7 Luther / Martin's. Vereinigung mit
Huldreich Zwingli auf dem
Convent zu Marburg, Wittenberg
1529
- 48 00 von Zoro, Wittenberg 1536
- 54 ^{36625 a 363660} ₂₃₆₉₀₁ von Zoro Wittenberg 1530
- 10 in Hil von sein
eigenen Briefen, Wittenberg
1534
- 1161 00 von Alcoran
Buch Dr. Richardi Wittenberg
1542
- 127 ³⁶³⁸⁸⁴ von Schem Amphoras
Wittenberg 1543.
- 813 ³⁶³⁷¹⁴ von der Juden, Wittenb.
1543.
- 914 ³⁶⁴⁰¹⁵ Sermon über den
Tauf auf Joh: v. Pfist
in der Pfist. Wittenb. 1546.
- 1013 00 von Zoro Wittenberg 1546
- 1611 ³⁶⁴⁰¹⁵ von Zoro Wittenberg 1548





Euangelium am Andern

Sontag im Aduent. Luce. xxi.

76 3533



S werden zeychen sein in der Sonnen vñ in dem Moñ/ vnd in Sternen Vnd auff erden gedrenge der vöcker vor bes kümernuß/ wirt räuschen das Wör vnd die flüsse. Vnd mēschen werdē verschmachtē vor forcht/ vñ wartēder ding/ die kōmen werden über die gantzē welt/ dan auch die krefftē der hymel werdē sich bewegē/ vñ den werdē sie sehñ des mēschen sun kōmen in eyner wolcken mit krafft/ vñ grosser herligkeit/ wēn aber diese ding anfahē zū geschēhen/ so sehet auff vñ hebt auff ewer heüpter/ den es nahet sich eüwer erlöschung/ vñ er saget in ein gleichnuß/ sehet an den feygen bäum vnd alle beüme/ wān sie yetzt auß/ schlagē so sehet jr an den selbē vñ wissent das der somer nahet ist/ also auch jr/ wān jr sehet/ das diß alles geschicht/ so wisset/ das nahet ist das reich gottes. Warlich ich sage eüch/ diß geschlecht wirt nit vergeen biß das alles geschicht/ hymel vñ erden werdē zergeen/ aber meine wort werdē nicht zergeen.

I Zum Ersten ist zū wissen/ das diese zeychē des jüngstē tags ob sie wol mächfeltig vñ groß sind/ werdē sie doch volbracht werdē/ das nyemant od gar wenig sie achtē/ vñ für solche zeychen haltē wirt/ den diese zway werden vnd müssen beyde geschēhen mit einand/ sindt auch beyde mit einand vō christo vñ den Aposteln v̄kündiget. Das erst/ das vil vñ grosse zeichen kōmen sollē. Das ander/ das danocht der jüngst tag also vn uersehens kōmen/ das sich sein die welt vō anbegin nye weni/ ger uerschen hat/ dan eben zū der zeyt wān er für der thür ist/ den ob sie wol solch zeychē sehē werdē/ ja auch hören das es zeychen des jüngsten tags sind/ so werden sie es doch nit glaubē/ sonder verla chen/ vnd für grosse sicherheit sagen/ ja du lieber narre hastu sorge der hymel falle/ vñ das wir den tag erlebē.

A ü

Nun müssen doch ye etlich sein die in erleben/ vnd sonderlich die sichs am wenigsten verschē/ das aber solich sicherheyt vñ verachtūg in den mensche werde sein/ wöllē wir auß Christus vñ der Apostel wort beweyssē. Christus spricht bald hernach in diesem Euāgelio. Habt acht darauff/ das eüwer hertzen nit beschwert werde/ mit fressen vnd mit säuffen/ vñ mit sorgē dieses lebens/ damit über eüch kōme schnell vnuersehens der selbig tag/ dān er wirt kōmē wie ein strick über alle die do sitzen auff dem angesicht der gantzē erdē/ auß diesen wortē ist als klar/ das die menschen werden sich gebē auff fressen vnd säuffen/ vnd auff zeitlich narung über all masse/ das sie in sorgen des güts/ vnd im fressen vnd säuffen erseufft/ sicher sitzen vnd wonen werden in aller welt/ als were noch gar ferr dahien/ dēn wo nit grosse sicherheit vñ verachtūg sein würd/ kan der tag nitt so vnuersehens schnell herein brechen. Aber nun er spricht/ er sol kōmē wie ein strick damit die vōgel od thier gefangen werden / eben dēnen am meysten/ wēn sie nach der narung faren vñ sich des stricks am wenigsten verschēn/ gibt er gnügssam zuuerstehen das die welt würd im säuß leben/ fressen vñ säuffen/ bawen vñ pflantzē / vñ nach zeytliche güt/ auffss aller fleysigest vñ schicklichest trachten/ vnd dafür halten der jüngst tag kōme über tausent jar nit/ so werdē sie ein aügenblick steen vor dem schrecklichen gericht gottes.

Das wöllē auch die wort Christi Lu. xvij. Gleich wie der blitz leuchtet/ vñ vom hymel herab über alles was vnd dem hymel ist scheynet/ also wirt sein des menschen sun an seinē tag/ syhe da abermal/ das der tag wirt schnell aügenblick einher fallē über alle welt. Folgt weytter da selbs. Vnd gleich wie es geschach zū den zeytē Noe/ so wirts auch geen zū der zeyt des menschen sun/ sie assen vnd truncken/ sie namen weyber vnd namē mēner/ biß auff den tag da Noe in die Archen gieng da kam die sintflusß vñ bracht sie alle vmb. Desselbē gleichen wie es geschach zū den zeytē Loth/ sie assen vñ truncken/ sie käuften vñ verkäuften/ sie pflantzten vñ päuwetē an dē tage

Aber da Loth auß Sodoma gieng/da regnet es feüwer vñ
schwefel vō hymel vñ bracht sie all vmb/eben nach der weiße
wirt es geen an dem tag/wen des mensche sun wirt offenbar
werden. Diese wort zeygen ye genüßsam/wie sicher die leüth
seyn werden/vñnd wie sie in der sorge zeytlichs lebens so tieff
erstickt/nit glauben werden das der tag da sey.

Inun ist das on zweyffel/Christus hab solch zeyche nit dar
umb verkündigt das sie nyemant achtē oder kennē solt/wañ
sie da sindt/wiewol jr wenig sein werdē/gleich wie zu Noe vñ
Loth zeytē/auch etlich wiewol wenig erkantē die zukünfftig
straff/sunst hett er vergebens vermanet vñd gesaget / wen jr
dieses alles sehen werdet/so wissent das es für der thür ist. Irē
den hebt auff ewer heüpter/es nahet sich ewer erlösig/darüb
müssen als den gewiß etlich sein die also thün vñd erkennen
die zeyche vñd hebē ire heüpt auff/vñd wartten auff irer erlö
sung/wiewol sie nit eygētlich wissen mügē welcher tag es sein
wirt. Darumb ist vns not/wol auff zu mercken/ob villeicht
die zeychen yetz geen oder gangē sindt/oder bald geen werdē.
Ich will nyemant zwingē noch dringē mir zu glauben/ich
wil mirs aber auch widderumb nyemant nemen lassen/das
ich halt der jüngst tag sey nit ferz/darzu bewegē mich ebē die/
se zeychen vñ wort Christi. Den so yemandt lyßet alle Croni/
cken/so syndt er vō Christus geburt an/dieser welt in diesen
hundert jaren gleichen nicht/in allen stücken.

I Solch bauwē vñ pflantzē ist nye gewesen so gemeyn in al/
ler welt/solch köstlich vñ mancherley essen vñd trincken/auch
nye gewesen so gemeyn/wie es yetz ist/so ist das kleydē so köst/
lich wordē das nit höher mag kōmen Wer hat auch ye solich
kauffmanschaft gelesen/die yetz vmb die welt ferdt/vñ alle
welt verschlinget. so steygē auff vñ sindt auff gestiegē allerley
künst/malē/stickē/grabē/das es seydt Christus geburt nit glei
chen hat/darzu sind yetz solch scharff verstedigeleüt die nicks
verborgē lassen/also auch/das yetz ein knab vō .xx. jarē meer
kan den zu vor zweinzig Doctores gekündt habē. Da kom/
A ij

men herfür/die sprachen/vñ allerley weißheit/das man müß
bekennē/das die welt/in den stücken die zeitlich narung oder
als Christus nennet/sorge dieses lebens/mit essen/trincken/
bauwē/pflantzē/kauffen/verkauffen/weyb vnd kindt halten
betreffen/sey über auß auffß höchst kōmen/das yedermā wol
sycht/yederman auch sagt/es müße brechen oder ein anders
werden/nun istß nit wol zū bedencken/wie es möcht gebessert
vnd brochen werdē/es bricht ein liecht herfür/vñ geet ein tag
auf er sey wer er wolle/das mag nit anders sein/es ist vorhin
solche witz/vernüfft vñ verstant in der christenheit nit gewe
sen auff vñ in zeytlīchē vnd leiplichē sachē/ich schweig der neu
wen sünd/als Büchdrucken/büchßen vñ and̄ Kriegs hendel.
S Dartzū das nit allein der weltlich handel auffß höchst kō
me/so istß auch auffß höchst kōmen in geystlichē sachē grosser
irthumb/sünd vñ lügen haben nit regiert auff erdē von an
fang/dan̄ in diesen hūdert jarē/da ist das Euāgelīū zū Cost
niz öffentlich verdampt/des bapsts lügē in aller welt für ge
setz angenōmen vnd er alle welt biß auffß marck schindt/da
opffert man die Mess̄ teglich meer dan̄ vil hundert tauſent
mal in aller welt/welcher sünde keine mag gleich sein/da wer
den/durch beicht/sacrament/ablaß/gepott die selen vnzelich
zur helle gejagt/das sichs ansihet/als hab got die gantzē welt
dem teuffel vbergeben/kürzlich/es ist nit möglich das grōsse
relügen/greülicher irthumb/schrecklicher blindtheit/versto
ckter lesterung ymer meer forimē nügen als yetz schon regie
ren in der Christenheit/durch Bischoff/Klöster/vnd hohen
schülen/biß auch der tod blindtheit Aristo. die Christen leret
vnd regiert meer den Christus selbs/dartzū der Bapst hatt
Christū auch verulcket vñ ist ein stathalter (das ist war) vñ
leyder alzū war/er sitzt freylich an christus statt/wolt gott er
fesse an des teufels stat. Ich schweig auch hic/der grobē sünde
als vnkeüſcheit/mord/vntrew/geitz vñ der gleichē/dan̄ da ist
kein scham noch forcht meer/vñ geet im höchstē. Vnkeüſcheit
ist auß der natürlichen weyß kōmen/vnd hatt keinen standt

also seer erseuffet/als den geystlichen/soll ich in anders geyst/
lichen nenen/so er meer dan fleisch selbs gantz geistloß ist.

I Es sey nun vmb andre zeyche wie es mag/so bin ich ye des
zeyches gewiß/da Cristus spricht Das essen vñ trincken/bau
wen vñ pflantzē/kauffen vñ verkauffen/weyp vñ man nemē
vñ andere forgedieses lebens sollē regieren vor setner zukufft
Eben so gewiß ist mir das auch/das er Matth. xxiiij. Von
den wüsten greuel sagt/dem Antechrist/das vnder seinem re
giment die grösssten irthumb/blindtheit vñ sünde solt regi
ren / wie das den yetzt vnder dem Papst auffs aller vnuer/
schempstest/auffs aller tyranischest/auffs aller verzweyffeltst
geet in hohē schwanck/den das stück für allē zwingt mich fest
zü glaubē/das Christus müsse bald kōmen/den solich sünde
sündt zü groß/der hymel kan sie nitt lenger ansehen/sie reytzen
vnd trutzen den Jüngsten tag zü seer/er muß über sie fallen/
eh es lang wirt/wann es alleine vnkeüschheit were wie vor der
sintfluß/oder eyttel weltliche sünde/wie zü Sodoma / so wolt
ich nit halten das der jüngste tag darumb solt kōmen. Aber
gottes dienst/ gottes wort/ gottes sacrament / gottes kinder/
vnd alles was gottes ist zerstören/vertilcken/verdamen/ver
lestern/vnd den teuffel an sein statt setzen/anbetten vnd eren/
seinelügen vor gottes wort haltē/das wirt der sachen ein end
machē/da ist mir kein zweyfel an/eh man sich vmb syhet. amē
I Solch sicherheit der mēsch vor dem jüngstē tag habē auch
die Aposteln vñ kündiget. S. Pau. spricht. i. The. v. Des her
ren tag wirt kōmen/wie ein diep in der nacht/wan sie werden
sagen/es ist still/es hat noch nit not/so wirt sie behendt über/
fallē jr verderbē Nun weiß man wol/das ein diep kōmpt nit
eh/den zü der zeit da man sein am sichersten ist/vñ. ij. Pet. iij.
Es werden zü der letzten zeytt kōmen/betriegere mit falscheit/
die da wandlen nach irem eygē gefallē/vñ sagen/wo ist die zü
sagung od seine zukunfft. nach dem die vätter gestorbē sindt
bleybt alle ding wie vō anfang/aber der tag des herren wirt
kōmen wie ein diep/in welchem die hymel/mit eynem grossen

sturm vergeen werde. Wer sind sie/die nach irem eygnen wil/
len wandlen den die geystlichen papisten/die weder gott noch
dem mēschen vnderthan sein wollen/sonder aller welt obligē
das sie frey mügē/lassen vñ thūn was sie wollen/die selbigen
sind es auch die da sprechē/wo ist sein zükunfft. meynstu das
der jüngst tag so bald kōme/ia es bleibt noch wol/wie er biß/
her blicben ist. Also lesen wir auch in der zerstörung Hierusa
lem/da vil zeychē geschahen/noch glaubtē sie nit/das es irem
verderbē gülte biß sie es erfürē/vñ entlich vō anfang der welt
ists alle zeyt so ergangen/das die vngläubigen nye haben ge
glaubt/das ir vnglück so nahe sey/sie habens alle erfahren/eh
sie es gläubē woltē/auff das beste der sprūch. Psal. liiij. Die
männer des blüts vnd der liste/werden ire tag nit halbyren/
den sie vermessen immer dar/vnd fürchten sich nymer/dar/
umb müß ir stund vnuerschens kōmen Also wirts auch hye
zügeen/das sie den jüngstē tag über tausent iar werffen/wañ
er die nechstenacht hernach kōmen soll. Nun wollen wir die
andern zeychen auch sehen.

Es werden zeychen seyn in der Sonnē.

Das zeychē in der Sonnē ist/das sie iren schein wirt verlie
ren wie oft gescheen ist als Mat. xviii. sagt. Die sonne werd
iren schein verlieren. Ich wil hie abermal nit freueln/sonder
mein meynūg sagē/etlich meynē/die Sonne wirt also finster
werdē das sie hinfürt nit meor schoyn/das ist nit/den tag vnd
nacht müß bleyben biß an das end/wie gott verheyssen hatt.
Gen. viij. Also lang die erdē stet/sollē die frucht vñ erdē/frost
vñ hitze. Sōmer vñ Wintther/Nacht vñ Tag nit auffhö
ren. Darumb müß diß zeychen geschehen on hindernuß des
tags vnd der nacht/vnd müß doch vor dem jüngsten tag ge
schehen/weil es ein vorgehend zeychen ist/darumb kan es nit
anders sein/dañ das die sōne irē schein verleürt wie es pflegt.
Nun ist all zeyt ein solch zeychē der Sōnen gewesen ein be/
deütung cynes grossen vnfals der hernach gefolgt hatt/wie

Das die Cronicken außweisen/so habē wir in Kurtzen jarē/ so vil sonne verlust gehabt/das ich nit acht/das zūvor souil vñ so nahe auff einander ye gewesen seyen. Got hat geschwygen/ ist nichts sonderlichs übels hernach folgt/damit sind veracht vnd in den wind geschlagen/dartzū haben die Sternmeister vns gesagt(als den auch war ist)es geschee solch ding aus natürlichen lauff des hymels/vnd damit ist die verachtung gesterckt/vñ die sicherheit gemeret. Aber nichts dester weniger richt got also sein werck auß/schweigt still/lest vns sicher sein vnd fert ymer fort/ es sey der natürlich lauff am hymel wie er well so sindt soliche zeychen alle mal zeichen des zorns/vnd ist ein gewiß vnfall darnach zükünfftig/solt darūb got/ andere sonnen/mon vñ sternen machen/oder andre zeichen drinnen geben ob zūvor der selbigen ettlich meer gescheen wāren. Die leuff des hymels sindt vō ewigkeit daruff gericht/das sie vor diesem tag solten solche zeichen machen Die heyden schreyben der Comet erste auch natürlich. Aber got schafft keynen der nit bedeüt ein gewiß vnglück. Also auch der blindenleyther Aristo. hat ein eygē buch geschriebē von den hymelischē zeychē gibt sie alle der natur/vñ macht das sie nit zeychen sein. Dem volgen vnser gelerte/vñ macht ein narz die welt vol narren. Aber du solt wissen was sich wandelt am hymel vber die gemeyne weyße/das da gewißlich gots zorn sein zeychē sehen ist.

Und in dem Mon.

Dis zeychen ist wie Matth. xviii. sagt / das der Mon nit wirt sein licht geben/das ist/er wirt sein schein verlieren/von diesem zeichen ist eben zū sagen wie von der sonnen zeichen/es sey wie natürlich es wolle/vnd dis zeychen ist auch in Kurtzen jaren vil mall gesehen/ ist doch ein zeyt lang daher/schier kein jar gewesen/es hat entweder Son oder Mon den schein verlorzen / zū weylen beyde mit einander in eynem jare/ zū weylen eins zwey mall/sindt das nit zeichen / was sindt dan zeichen? laßs sein das vor zeytten meer gescheen sey / aber nit so vil vñ

B

nahe auff einander vnd miteinander/da Hierusalem solt zerstört werden/waren ettlich der zeychen zü vor vil meer geschehen / danna cht waren es neuwe zeychen.

Vnd in den Sternen.

Das ist wie Math. xviii. sagt/die stern werde fallen vom hymel/das zeichē laßt sich teglich sehen/vnd ich weys nit obs vor zeyttē auch so oft geschehen sey Aristoteles der hohē schülē narrē treiber/macht auch natürlich vnnütz ding darauß/aber kurtzūb/das euangeliū ist gottes wort vñ weißheit. Die nēnet der sternē fall ein zeichen da laßs vns bleiben/darumb wen die stern fallen/oder **S**on vñ **M**on den schein verlieren so wisse das es zeichen sindt/das euangeliū leigt dir nit/weil aber diß jar/vil vñ nahe auff einand geschehē/vñ nichts sonderlichs folget/hastu zü bedencen das es werde diese zeichen sein des jungstē tags/vō denē hie Christus sagt / dan es müß vil vñ oft geschehen/den grossen tag reichlich zü deütten vñ zü verkündigen. Nun diese zeychen geen vñ sind langst gangen/aber niemādt acht sie/so soles auch sein/das sie auff andere zeyche wartten/wie die juden auff einen andren Christ.

Vnd auff Erden gedrengē der Volker vor bekümmernußs.

Nicht ist züuersteen/das alle völker od das grösser theyll vnder in solchs leyde werde. Den du müßt darauff acht habē das es zeychen sein sollen/es fallen nit alle Stern vom hymel sonder gar wenig/die **S**on verleürt iren schein auch nit ein ganz jar oder monat/sond ein stündt oder zwü weniger oder meer. Der **M**on verleürt auch nit seinen schein die ganzen wochen od die ganze nacht/sond wie die Sonne/ein stundt/oder zwü/auff das zeychē bleybe vñ nit gar alles verkert werde. Also werden nit vil mensche diß gedreng vñ angst. Sondern gar wenig vñ auch nit on vnderlaß/auff das sie zeichē den andern bleybē/die werden verachten/vnd durch vnder/

riecht der ertz sagen es sey der Complexion vnd Melancoley
schuld/oder der planetē im hymel oder sunst irgent ein natür
lich vrsach erfinden/in des gen gleich wol solch offenbarliche
zeychen vor den blinden heymlich hyn/vñ geschicht/das wir
mit sehendē aügē die zeichē sehen vñ denno ch nit erkennē/wie
den jüden an Christo geschach/als Matth. viij. schreibt.

Dis gedreg ist aber leipli ch den wie gehört ist/es wirt fried
vnd güts genüg bleybē/das sie essen vñ trincken. Bawen vñ
pflantzē/kauffen vñ verkauffen/freyen/vñ freyē lassen/tantzē
vñ sprungē/vñ sich in diß zeytlich leben wickeln/als wolten sie
ewig hie bleybē/ich acht es sey die grosse marter der gewissen/
dan sintemal das euāgelii verdäpft ist/darinn alleyn gewis
sen getröst werdē/vñ mensche lere auffgericht sindt die vns le
ren mit vnsern wercken die sünd ablegen vnd den hymel ver
dienen/da folgt eygentlich nach/ein schwere enge vñ betrübt
gewissen/das nymer kein rüh hatt/das gerne wolt from sein/
wol thun vñ selig werdē/engst sich vast vñ weyß doch nit wie
es im thun soll/sein sünd vñ gewissen trücken es/dauō hat es
gedreng/wie vil es thun/so sindt doch kein rüh/damitt wirt
in den angst/das es nit weiß/was/vñ wie es im thun sol/da
her kōmen so vil gelübdt vñ walfart/da hebē sich die heyligē
dienst vñ eren. Da wachsen so vil stiefft vō messen/vñ vigili
en:etlich beyssen vñ marteren sich selbst/etlich werdē münch/
vñ das sie ja vil thun/werden sie Carthüßer/das seindt alles
werck der gedrengtē vñ beengsten gewissen/vñ eygentlich die
plag die. s. Luc. setz/den er setz zwey wort/die bedeuētē so vill/
als wen einer zū erst in ein nott od gedreng keme/das es enge
wer/als wan er in einē engē kercker würd geworffen/darnach
wirt im angst/wist nit wie er im thun solt das er auß dem ge
dreng keme würd irrein im selbs/versücht diß vñ das hilffet
doch keines/dz heist man auff mein teutsch/bang werdē/also
geet es dießen gewissen/ir sünd habē sie gefangē/vñ ligē im en
gen gewissen/das drengt vñ engst sie seer/nū werē sie es gerne
loß/da hebt sich das and wec/dz im bang wirt/wissen nit wie

sie es angreyffen sollen versuchen allerley vnd hilfft nichts.
S Nun in diesem jamer geraten nit der rohe großhauff son-
der wenig vñ gemeynlich die vernünfftigisten vñ zartisten
selen/vñ güt trewhertzigen mēschen / die sunst niemandt gerē
vnrecht thetē vñ erbarlich lebē. Habē aber etwas heymlich
auff in als den fürnēlich ist/die vnkeüschheit das frisset sie alle
tag vñ nacht/das sie nymer gründlich auß hertze frölich wer-
den/vñ das ist eben ein wiltpret für die münch vñ pfaffen da
gibts vñ läßt sich schindē/sonderlich wen es frawen volck ist.
da beicht man vñ läßt sich leren/absoluiren vñ füren/wo die
heiligē beichtuetter hin wöllen. Diweil geet das ellend volck
hin vñ ist vñsers hergots zeichen zum jungsten tag. Dießen
ist das Eüangelii ein leben vnd trost/welches der and hauff
die weil verdampft. Sihe das zeichē kan auch niemandt leüg-
nen/das es in diesen hūdert jaren sonderlich ist ganghafftig
das jr vil darob toll vñ vnsynnig wordē sind/wie auch Ger-
son schreibt. Ob wol aber verzeitten vñ allzeyt solich mēschen
gewesen sind/so ist doch nit so weyt in alle welt vñ so gemeyn
gewesen/dan es hatt vō anfang nye keyn mēschen lere das ze-
henden theil / ja das hundert theil/so weyt/so grēulich regiert
vnd so vil gewissen gemartert vnd ermōrdet/ als des bapsts
vnd seiner jungen pfaffen vnd münchen. Dan solich hertzen
werden sonderlich auß dem gesetz von der beicht/welches zu-
uor noch nye geportten vnd so seer getriebē ist. Darumb ist
auch noch nye ein zeychē des iungsten tags gewesen dan nun
yetzt. Es müssen alles grosse vnd vil zeychen sein/vñnd doch
verachtet von den anderen grossen theyl.

Wnd wirt raüschen das Meer vnd die
flüsse / oder die wasserwāge.

Das wirt durch windt geschehen/dan alles raüschen Der
wasser kömpt von winden/darüb zeigt der herre mitt diesen
wortte/das grosse vñ vil winde seyn werdē/durchs mōr aber
sol hienit verstandē werdē allein das mōr auß der welt/sond

alle ständige wasser / nach dem brauch der heyligen geschriffte
die da spricht Gen. i. Got nenet die versamleten wasser / möz /
es seyen möz / see / teych / flüss / aber sindt alle vnstete fließende
wasser. Nun müstu auch nit das zu gleich auff ein mall alle
wasserflüsse / teych / see / möz vñ wo es naßs ist in der welt. räü /
sche vnd windig sey. Es soll ein zeychen sein / das ettlich Möz
vnd flüsse räuschen vnd windig seyn / vñ das es geschehe vil
mall vnd nahe auff einander / dan wie nit alle stern fallen /
vnd nit alle menschen schrecken. Also räuschen auch alle was
ser / vnd ist auch nit an allen ortten zu gleich windig.

Die wirt fraw hulde die heydnische kunst in den hohē schü
len sitzen vñ das maul auffwerffen / vnd sagen / hast nit möz
wind gesehen od wasser räusche gehört / leren doch mein Ari.
Wie es natürlich zu gee. die lassen wir faren wissen wol / das
gots wort vñ zeychen müssen veracht werde von den flügen
gözē / du aber halt dich an das Euangeli / das leret dich glau
ben / das alle grosse wind vnd wasser präußen zeyche sindt vñ
wiewol zuuor vil mal soliche zeychen geschehen sindt / sollen
sie doch sonderlich vil groß sein vor dem jungsten tage. Ich
mein aber / das wir inwendig .x. oder / .xij. jaren solich windt
solich räusche vnd präußen gehabt vñ gehört habē / on was
noch werden wil / das ichs kaum glaub / das zuuor ye ein zeyt
so grosse / vñ so vil wind vñ präußen hab erhört. Vñ das ist
auch zu bedencken / ob vor zeytten dieser zeyche etliche / vñ sel
ten / auch einzelig gewesen sind. so geen sie doch yetzt mit dem
häuffen semplich daheer / vñ nit selten / sond vil vñ oft den
vnsrer zeyt die sihet zu gleich Son vnd Moñ scheyn verlyren
sterne fallen / menschen zwang werde grosse wind vnd wasser
präußen / vnd was meer gesagt ist. Es kömpt alle auff cynen
häuffen. So habē wir auch daneben Cometen gesehen / vnd
neulich sind vil creütz vñ hymel gefallen / vñ ist bey vns auch
auff kömen die neue vnerhörte franckheit frantzosen. Auch
wie vil zeyche vnd wunder sind alleyn diese vir jar am hymel
erschen / als sonnen / moñ / stern / regenbogen / vñ vil andere

seltzame bild: lieber laß es zeychen seyen/ vnd grosse zeyche/die
sternmeyster vñ frau huldenitt mag sagē/das sie auß natür-
lichem lauff sind kōmen/dan sie haben zūuor nichts dauō er-
kant noch weyssagt. So wir auch kein stern kündiger dūrrē
sagē/das des hymels lauff hab verkündiget das schrecklich
thier/das die Tyber zū Rom außwarff vor kurtzē jarē/wel-
lichs hat ein eßels kopff/ein frauēbrüst vñ bauch/ein elephāt
fuß an der rechten handt/vñ fisch schüpen an dē beynen/vnd
ein trachē kopff am hindersten zc. Darinn das bapstumb be-
deüt/ist der grosse gottes zorn vñ straffe. Solicher haüß zey-
chen wil ettwas grössers bringen/dan alle vernunft denckt.

Le und nun zweyther procediert. vñ

für gefaren werde/ ist nun für güt angesehen/auch zū/
vernemen die gezeügknus vom Jüngsten tag. Die der
hochberümpft lerer Lactantius Firmianus zur zeydt
seins lebens. Nach Christi gepurt. CCC.v. Geschriebē
hatt wyder die Heyden/im Büch Diuinarum in/
stitutionum des Siebenden Büchs.

Im. xv. Capittel.

Wann herzū nahen wirt das endt dieser welt/so wirt der
standt mēschlicher ding/müssen verwandelt werdē/ vnd sal-
len in ein vil ergers wesen/dan alle vnbilligkeit vnd bosshēyt
wirt vberhandt nemē/also gar/das vnser yezige zeit/in wel-
licher doch vnbilligkēyt vñ bosshēyt schier auff den höchsten
grad erwachsen/seindt noch aber dannocht selig vnd vil na-
hent güldē geschätzt möcht werdē/ gegen der selbigen zeyt/der
weder helfen noch radten yemant vermügen wirt/ dan also
gar wirt die gerechtigkeit seltzam/vñ gotzlesterūg/geitzigkeit
vñ unrein begirden/vñ keüsch gemeyn werdē/das die frommē
zū der selbigē (wo sie seyen) den aller bösten als ein räub sein
werden/die sie auch allenthalben veyieren vnd bekümmern
werdē/zur selben zeyt werden allein die bösen reich vnd wol-
habent sein. Die frommen aber in aller schmach vnd armüt

hin vnd widder geworffen/mañ wirt das recht verkeren/die
gesetz werdē vndergeen/vnd wirt dan nyemandt anders ha/
ben/dan das er mit der handt gewinnen / oder erredt hatt/
Kunheyt vñ gewalt werdens als besitzē. Es wirt noch glau/
be/noch trawen in den mensche meer sein/ auch kein frid /kein
holtseligkeit/kein scham/kein warheit/vnnd also fort an kein
sicherheyt noch regiment/noch eynicherley ruh/vor den boß/
wichten/den alle lender werden auffrurig/allenthalben wirt
man toben noch kriegen / alle welt wirt im harnasch sein/vñ
sich selbs aneinander erwürgen.

¶ Weytther volgt.

Die menschen werden verschmachten
vor forcht vnd wardten der dinge/die kommen
werden vber die gantzen welt.

¶ Das werdē auch nit sein der rauchloß grosse hauff/der die
gottes zeyche veracht vñ der natur zuschreibt / sonder die be/
sten vñ frömsten den die sach zu hertze geedt vñ nach dechtig
sindt. Vnd das verschmachten oder verdorren ist zuuersteen
das sie sich todt fürchtē/od ye nahe an den tod/also das sie die
forcht verzert vñ krafftloß macht. Was fürchtē vnd warten
sie den. Er spricht die ding die komen werden vber die gantze
welt/das ist der jüngst tag/das schrecklich gericht/hellisch feu
wer/vñ der ewig tod/vñ was damit volgt. Warüb fürchtē
vnd wartē sie den/vnd nit die gantze welt vber die es komme
wirt/vñ villeicht nit vber sie. Darumb das sie gottes zeyche
sein sollē die da verachtet müssen sein von der gantzen welt.

¶ Wer aber diese leüt sindt kan ich nit sagē/es were dan/das
es die sein soltē die mit der hohen anfechtung des tods vnd der
hellen zu schaffen haben/da der Chaulerus von schreibt/den
die selbige anfechtung verzeret fleisch vnd blut ja marck vnd
beyn/vñ ist der todt selbs das sie niemant ertragē kan/er wer
de dan wunderbarlich erhalten/solchs haben auch geschmeckt
ettlich patriarchē als Abrahā Jacob/David/Moyses/aber

am end der welt sol es gemeiner werde. Aber diß zeyche wirt
villleicht noch baß wachsen/wiewol jr vil gewesen vñ noch re
gelich sindt dauon wenig leüt wissen / es sind menschen die in
todts nöten sind vnd mit dem tod kempfen / da fülen sie was
vber die gantzen welt kōmen wirt/vnd fürchten sich es werd
vber in auch also bleybē. Es ist aber zu hoffen das solche leüt
im gnedigē standt sind den Cristus lauter als wolt er scheydē
die zwey stuck/die forcht vnd die ding/die vō in gefürchtet wer
dē/vñ teylt es also das er in die forcht / der welt aber die forcht
lichen ding/gibt damit es zuuermuten ist / das sie durch die
selbig forcht vnd angst hie jr helle vnd tod habē/vnd die welt
die sich nicht fürcht / den tod vñ die helle/darnach müsse
leyden.

Wen auch die krefft der hymel werden sich bewegen.

I Die krefft der hymel verstee ertlich die Engel im hymmel
aber diweil Christus von zeychen sagt vñ spricht / wir wer/
den sie sehen vñ daran erkennen die zukunfft des jüngsten
tags / so müssen sie gewißlich offenbar sichtlich sein vnd von
leiplichen synnen entpfinden werde. Dan auch die menschen
so das gedreng im gewissen haben vñ vor forcht verschmach
ten/ob sie es wol in der seel habē/dennocht am leybe eüsserlich
durch wort vñ geperden erkennen werden / also müssen die
krefft der hymel auch leiplich vñ eüsserlich bewegt vnd er/
kent werden.

I Die schriefft aber redet zweyerley weyße von der hymel
krefft ein mal das so vil sey gesaget/die krefft der hymel (das
ist) die krefftigen hymel/oder die hymel die da sindt/vnder al
len creaturen das krefftigest. wie Gene. i. steet geschriebē. Got
nent die hymel firmament/das ist/ festung oder krefftung.
Dan alle creaturen vnder dem hymel/ werden regiert vñ be/
krefftiget durch das liecht/hitze bewegüg der hymel was wer
die welt/on hymel/den ein wüst/wilt / Finsternuß: gleich wie

Die fürsten vnd obersten in der welt / nennet die schriefft auch mit den namen Virtutis Krafft / darüb das sie regieren vnd wircken vber die vnderthanen.

I Zum andern mal heist Krafft der hymel / so vil / als die scharen der hymel / wie Psal. xxxiiij. spricht / die hymel sind durchs wort gottes gemacht / vñ alle ire krefft (das ist alle iren scharen) durch den geist seines müds / vnd Gen. i. Die hymel vnd erden ist bereyt worden vnd alle ire krefft / das ist / all ire scharen / vnd diese weyse zü reden von hymels krefft ist die recht gemeyne weyse in der schrifft / vnd ist klar auß diesen sprüchē. Das die schar oder krefft hymels vnd erden sindt / alles was darinn ist / als da sindt Soñ / Moñ / Stern vñnd alles was droben ist. Auffs erden aber sind die menschen thier / vögell / fisch / baum / kreütter / vñnd was meer daruff wonet / so mag nun der verstandt sein von beyderley krefft der hymel / für / nēlich aber von den scharen so will nun Christus sagen / das sich alle creaturen werden bewegen / vnd diesem tage mit zeychen dienen / Soñ vnd Moñ mit finsternys / die stern mit fallen / die völker mit kriegen / die mensche mit angst vñ forcht / die erde mit bydmen / die wasser mit windt vnd praüssen / die luft mit pestilenz vñ gift / also auch die hymel mit iren scharen vnd bewegungen.

Was aber die bewegung der hymelischen schar sey / weyß ich noch nit / es were dan die grosse constellation der planeten die yetzt eintreten wirt vber zwey jar / dan die planeten sindt gewißlich von der hymel krefft vñnd scharen / wol das fürnemest / vñnd ire wunderlich versamlung ist ein groß gewiß zeychen vber die welt. Nun spricht Christus nit das alle scharen oder krefft der hymel sich bewegen werden. Sondern etliche scharen / dan nit alle sterne werden sich bewegen / gleich wie daroben gesagt / nit alle menschen gedreng vnd forcht leyden / nicht alle wasser allzeit praüssen vnd raüschen. Sonne vnd Moñ nit alle tag finster werdē / den es sollen nur zeychen sein / die müssen nur in etlichen vnd im weniger theyl gescheh

Ⓒ

hen/das sie ettwas sonderlichs ansehen gewinnen/gegen das
ander theyl das mitt zeychen sein wirt. Darumb ich darauff
stee das der hymnlichen scharen bewegung sey gewislich die zu
fünfftige constellation der planetē/darüber die sternmeyster
sagen/es soll ein sintfluß bedeuten/gott gebe das der jüngste
tag sey/welchen sie gewislich bedeütet.

Vnd hie saltu aber dich nit irren lassen/das diese cōstella/
tion sich auß des hymels lauff natürlich begibt/es ist dan/
nocht ein zeichen vō Christo genēt/vñ ist fast wol sein war zu
nemē/weil es nit allein sonder gleich mit dem hauffen der an
dern zeychē sich samlet vñ gleicher zeyt mit ein trifft. Laß die
vngleübigen zweyffeln vñ verachten gottes zeichen vñ sagē/
es sey natürlich geschafft/halt du dich des Euangeliums.

Es sindt noch mehr zeychen/die andern örtern beschrieben
sind/als da sind/Erdtbydem. Pestilentz/theuer zeit vñ krieg
Lu. xvij. vñ Matth. xviii. welche wir auch vil gesehen/wie
wol sie zuuor auch gewesen sindt/aber darüb sindt sie nichts
destoweniger gewisse zeychē sonderlich/dieweyl sie mit den an
dern zu gleicher zeyt lauffen/es bekennet auch yederman/das
yetziger krieg art als gethan ist/das so vor zeitē gewesen sint/
kind geacht werdē/so gar ist es aufs aller greulichst vñ höchst
mit geschütz/harnasch vñ rüstung kōmen. Aber dieweyl das
heütig Euangeli nichts dauō sagt/lassen wir sie auch bleybē
Lieber laß es zeychen sein/vnd grosse zeichen die ettwas größ/
fers bedeüten. Aber sie sindt schon vergessen vnd verachtet.

Wund alsdan werden sie sehen des
menschen Sun kōmen mit krafft vñ grosser
herligkēyt.

Hie magstu aber mal die krafft deüten auff die scharē der
engel/der heyligē vnd aller creaturen/die mit Christo an das
gericht kōmen werden/welchs ich den rechtē verstandt acht/
oder auff die gewalt vñ sterck/das diese zukunfft Christi/sey
so vil geweltiger/so vil die erste ist franck vñ gering gewesen/

er spricht auch/nit alleyn/er wirt kommen/sonder sie werden
in sehen kommen. Den nach der leiplichen gepurt ist er auch
kommen/wart aber vō nyemandts gesehen. Er kompt auch
noch täglich durchs Euangelium geystlich in die gleübigen
hertzen/das syhet auch nyemandt/aber dieße zükunfft wirdt
offentlich geschē das in yederman sehen muß wie Apoc. i.
auch saget/vnd alle augen werden in sehen/vnnd also sehen/
das keyn andre sey/dan der leiplich mensch Christi in leipli/
cher gestalt/wie er ist von Maria geporn vnd auff erden ge/
wandlet/dan er hett sunst wol mögen sagen/sie werden mich
sehen/welchs wer klärlich gesaget von der leiplichen gestalt.
Aber nun er sagt. Des menschen sun werden sie sehen / ist es
klar außgedruckt/das es ein leipliche zükunfft/ein leiplich se/
hen/in leiplicher gestalt sey doch in grosser gewalt / mit gros/
sen scharen der Engell vnnd mit aller heyligkeit / vnnd wirt
sitzen auff eyner liechten wolcken vnnd alle heyligen mit im.
von dem tage sagt die geschriff vil / vn̄ ist alles darauff ge/
richt.

¶ Wan nū dieße ding anfahren zu

geschehen/so sehet auff / vnd hebt auff eüwre
heüpter/den es nahet sich eüwer erlöfung.

¶ Niemagstu sagen/wer kan hie das heüpt auffheben / für
solichē greülichem zorn vnd gericht: erschrickt doch alle welt
vor dem tage/vn̄ schlecht den kopff meer nyder vnd syhet vn
der sich vor schrecken vn̄ forcht. Wie sollen wir den auff sehen
vnd den kopff auffrichten: welchs on zweyffel freüd vn̄ ver/
langē bedēit. Antwort. Das alles ist gesagt allein den Chri
sten/die da warhafftig Christen sindt/vnnd nitt den heyden
oder jüden/warhafftig Christen aber stecken in grosser anse/
chtung vn̄ verfolgungē von sündē vnd allerley übel/das in
diß lebē sawer vn̄ heßlich wirt. Darumb wartten sie vn̄ ver/
langē/vnd bittē erlöset zu werden vō sünden/vn̄ allem vbel/
wie dan auch laüt das Vater vnser. dein reich kom̄ vn̄ erlöß

vns von dem vbel. Seindt wir rechte Christen so betten wir auch dasselbig mit ernst auß hertzem grunde. Betten wirß aber nit auß hertze grund vnnnd ernst So muß es gewißlich mitt vns also stehen/das wir diese zeychen/wie schrecklich sie sindt/mit frieden vnnnd verlangen ansehen/wie hie Christus vermanet vñ spricht. Wan diese ding anfahen/so sehet auff spricht nit fürchtet eüch/oder schlägt den kopff vnder/den es kömpt/das wir so ernstlich vñ sehenlich gebetten habē. Wel/len wir den nun ernstlich von sünden todt vnd helle loß wer/den So müssen wir diese zükunfft auff das höchste begeren vnd lieb haben. Also spricht auch sanct Paulus Timoh. ij. vlti. Er wirt mir geben die kron der gerechtigkeit/nit alleyne mir sond allen die seine zükunfft lieb habē. Gibt er die kron allen die seine zükunfft lieb haben/was wirt er geben denen/die sie hassen vnnnd scheüwen: on zweyffel die helle/als seynen feinden. Vnd Litt. j. Wir sollen wartte auff die zükunfft der herligkeit/des gottes der großs ist/vnd Luce. vij. Ir solt sein wie die leüt die da wartten auff ir herren/wan er kömpt vñ der wirtschafft.

I Die aber fürchten vnd wolten nit das er keme/was mache sie/wan sie betten/dein reich köme/ Dein will geschehe / erlös vns von dem vbel: dzetten sie nicht vor got vnd liegen in an wider sichs selbs: streben sie nit wider gottes willē/der diesen tag haben will vmb erlösung willen seiner heiligē. Darumb ist hie groß fleiß zü haben/das yenicht in vns funden werde haßs oder scheüwe dises tags/dan solchs scheühen ist ein böß zeichen/vnd gehört zü den verdampften/den selbigen hörten kopff vnd verstockt hertz/muß mit solchē stoß vñ erschreckem bewegt vnnnd brochen werden/ob sie sich bessern wölten/aber den gläubigē sol er tröstlich vnd lieplich sein/es wirt der tag sein/zü gleich auff/die höchste freüd vnd sicherheit / den gläubigen/vnd das höchste schrecken vnd flucht den vngläubigē gleich wie auch auff diesem leben/die Euangelische warheyt ist aller süßest den güten/alles heßlich ist den bößē / warumb

solten sich die gläubigen fürchten/vnnd nitt auff's höchst sich
frewen: sint mall sie auff Christum vertrauen vn̄ der rich/
ter vmb irer erlösung willen kumpt vnd irer theyls ist.

So sprichstu aber ja ich wolt wol auch wartten vnd liebē
diese zukunfft/wan̄ ich fr̄m̄ on sünde were. Antwort wol an
was hilfft dich den̄ das fürchten vnd flychen: Damit wirstu
nit erlöset v̄o den sünden/wan̄ du gleich tausent jar dich also
fürchtest/die verdampfen fürchtē sich ewiglich dar für/dan
nocht werden sie damit irer sünd nit loß/ja diese forcht meret
nun die sünde/vnnd hindert/das du on sünde nit sein kanst/
vnd doch dem tage nit entpflyhen magst. Es müß die forcht
außgeen vnd ein lust eingeen zū der gerechtikeit vnd zū die/
sem tag. So es aber war ist/das du gern fr̄m̄ vnd on sünd
werest/so danck gott vnd halt an/begerenoch meer one sünd
zū sein/vnd wolt gott/sollich begirde were so recht geschaffen
vn̄ in dir/das dichs tödtet. Es ist nyemandt baß gerüst auff
den Jüngsten tag/dan̄ der da begert on sünd zū sein/bistu in
solicher begird / was fürchtestu dich: bistu doch da durch mit
diesem tage einer meynung. Er kumpt/das er von sünden er/
lösen wil alle die es begeren. Vnd du bist auch der meynung/
das du also wilt loß sein/danck du got bleybe vnd fare für in
der meynung. Christus spricht/es sey eine erlösung seine zū/
kunfft. Aber sich zū vnnd treüg dich sebs nit das du sprichst.
Du woltest gerne on sünd sein/vnd den tag nitt fürchtē Vil/
leicht ist dein hertz falsch vnd fürchtest in/nit das du gerne on
sünd werest/sonder das du vor ime nit kanst frey vnnd sicher
sündigen. Da sihe zū/das nit das liecht in dir finsternyß sey.
dann ein hertz das warhafftig der sünde gerne loß were/das
freüwet sich gewißlich dieses tages der im sein begird erfüllen
wirt/freüwet sichs aber nicht/so ist nit gründtlich begird da/
von sünden loß zū sein.

Darumb müssen wir vor allen dingen ablegen den haß
vnd schewe dieser zukunfft/vnd fleyß habē/das wir mit gan
zen ernst/gerne der sünden loß weren/wann das gethan ist/

so mügen wir des tags nit allein sicher gewartē/sonder auch mit gantzen begirden vnd freüden darumb bitten vnd sprechen. Dein reich kōme. Dein wil geschehe/vnd hirinnen mu/stu dein dunckel vñ fülē faren lassen / vñ dich an die tröstliche wort Christi halten vñ auff sy/dich gantz erwegen. Sihe wie solt er dich doch lieplicher ermanen trösten vñ stercken. Zum Ersten spricht er/ir werdet von Kriegen hören/aber ir solt nit erschrecken/wañ er dich heyst nit erschreckē/was ist es anders dan das er gepeüt/du solt getrost sein vnd solich zeychen mit freüden erkennen. Zum andern heyst er dich frölich auffsehē. Zum dritten/das häupt auff hebē. Zum vierden nēnet er es/deine erlösung. Was soll dich trösten vnd stercken/wañ dich soliche wort nit stercken: meinstu das er dir liege/oder wölle betriegen zū falscher zuuersicht: lieber laß solich wort nit vergebens gesagt sein/danck du got vnd verlaß dich darauff/es ist sunst kein radt noch trost mer/wo du diese wort in dē wind schlechst/es ist nicht dein verdamnyß/sonnder dein erlösung/spricht Christus tröstlich/vnnd du wilt dir selbs diese wort umbkeren vnd sagē/es sey nit dein erlösung/sonder dein verdamnyß/vnnd fleühest deine eygne seligkeit/kanst got nicht grüssen der dir begegnet/noch dancken der dich grüßet.

Er hat on zweyffel solch tröstliche wort zū güt gesagt auch den kleinmütigē/welche ob sie wol frum vnd zū dem jüngstē tag bereyt sindt/doch für allzū grösser forcht/sich engsten vñ hindern an den begirdē dieser zukunfft/welche sonderlich an dem end der welt erfunden werden. Darumb nēnet er es ir erlösung/dan an dē ende der welt/da die sund auff's aller greülichst vber handt haben sollen vnd neben der sund. Das ander vbel die straff der sund/mit Pestilentz. Krieg. Teürung. auch vber handt haben sollen / ist es nott den gläubigen ein starcker trutz vnnd trost wider alle beyde vnglück der sünde vñ straffe/darüb fürte er das leiplich wort. Erlösung/welchs alle hertzen gerne hören/was ist erlösung: wer wolt nit gerne erlost sein: wer sol lust haben zū bleyben vnder solchem wü/

sten wesen/beyde der sünde vnd der straff: wer solt nit billich
ein end solicher jamer/solicher ferligkeit der selen/solcher ver/
derben der menschē wunschē. sonderlich so Christus yetz liep/
lich vns daruō reygt/lockt vnd tröstet. Die heylosen träum/
prediger sindt zū straffen/welche mit irem predigē/den hertzē
diese wort Christi verborgen/vnd den gläuben dauon wen/
den/wöllen die leüt mit blossen schrecken frum machen/vnd
darnach durch eygne güte werck vñ gnüg thun für die sünd/
zū diesem tag bereyten. Da müß dan eyttel verzagen/fürchtē
vnd schrecken bleyben vnd wachsen/vnd da mit haßs wider
willen vñ scheühe dieser zukunfft christi. Das ist gottes feint/
schafft/in den hertzen auffgericht werden. Die weyl sie lernen
Christum nit anders in sich bilden/den nun als ein strengen
richter/den sie mit iren wercken stillen vnd sūnen sollen/vnd
halten in nymer für einen erlöser/wie er sich hie selbst nennet
vnd erbeit/des im festen gläuben zū wartten sey/das er vns
durch laüter gnaden erlöse von sündē vnd allem übel Syhe
also geet es allzeyt/wan man das Euangelū nit recht predi/
get/vnd nur mit gepotten vñ trewen/die hertzen jagt/so trey/
bet man sie nur weyter von got vnd macht sie nun vnwillig
auff gott. Schrecken sol man/aber nur die halßstarcken vñ
verstockten/darnach aber auch widder stercken vnd trösten/
wan sie forchsam vnd zaghaft worden sindt.

Auß diesen allen sehen wir wie wenig menschē sind die das
vatter vnser betten/so es doch in aller welt on vnderloß vn/
zeliich gebett würt/den gar wenig ist ir die nit lieber woltē die/
ser tag kem nūmer meer/das ist nicht anders/den das gottes
reich nit kommē solt/also bett ir hertz widder iren mundt vñ
gott richtet nach dem hertzē sie aber nach dem mund/darüb
styssten vnd halten sie vil gepet/plerren alle kirchen vol in al/
ler welt/vnd heist alles gepetet/so es doch im grund nit an/
ders laüt dan also. Dein reich kom ja nitt/oder kom ja noch
nit. Sag mir ist solchs gepet/nitt ein rechte gots lesterung vñ
ein solich gepet. Davon Psal. c. viij. Sein gepet sol zur sün/
C ij

de werde. Noch gede yetzt aller welt güt vnd gelt hie her. das
sollicher lesterung nun alle winckel vol werden/vnnd lasse sich
gottes dienst nennen.

I Doch sol der nit verzagen/der solch forcht an jm fület/son
der der selbigen weißlich braüchē/der aber braucht sein weiß/
lich der solch forcht jm läßt eintreyben/vñ vermanen seyn zü
bitten vmb gnad die von jm nemme die forcht/vnnd geb jm
lust vnd verlangen zü diesem tag/den Christus hat verhey/
ßen. Was wir bitten sollen wir entpfahen Matth. vii. Dar/
umb sind soliche forchtsame leüt ja neher bey irem heyl/dann
die räuchlosen hartsynnigen die sich wider fürchten noch trö
sten des tags/den ob sie noch nit lust vnd verlangē darzū ha
ben/so haben sie doch eintreyben/das sie vermanet zü bitten
vmb lust vnd verlangē/der braucht aber die forcht vnweiß/
lich/der sie nun meret vñ darinnē bleibt als wolt er da durch
sich von sünden reynigē/aber es wirt nichts dar auß/den nit
die forcht/welche außtrieben sein müß/als sant Johan. sagt/
sonder die liebe/welche da bleyben müß/als sant Peter sagt/
die selbige vertilckt alle sünde/wie sant Peter sagt. Die forcht
aber treyben solich liebe zü süchen vnnd bitten von gott/den
wo sie nit außgeet do widdersteet sie gottes willen vnd deiner
eygen erlösung/das ist dan ein sünd in heiligen geyst/wiewol
nit not ist/das er ganz vnd gar on forcht sey/dan es bleybet
ymer natur in vns/die ist schwach vnd kan nit on forcht des
tods vnd des gerichtes besteen/aber der geyst soll yedoch oben
liggen/wie Christus sagt Matth. xxvi. Der geyst ist geneigt
aber das fleysch ist Franck.

Vnnd er sagte zü ynen ein gleychnuß.

Sehet an den feygen bäum vñ alle bäume/wen sy yetzt
außschlagē so sehet irs an inen vnd erkennet/das naher
ist der Sömer. Also auch ir/wen ir/das alles sehet ge/
schehen/so wissent das nahent ist/das reich gottes.

I Eytzel trost wort sindt das/er gibt nit ein gleychnuß von

dem herbst oder winter/do alle baüm fall werden/vnnd be-
trübte zeyt angeet/sonder von dem Lentzen vnnd Sömer/
das ein fröliche lustige zeyt ist/da sich alle creaturē auff thün/
vñ frölich sindt/damit er je klärlich genügleret/das wir vns
des jüngsten tags/sollen mit solicher lust vnd begirden ver-
sehen vnd trösten/als sich alle creatur auff den Lentzen oder
Sömer freiwet/was solt sunst die gleichnyffe/wo er das nit
wolt vns darinnē leren. Er het wol ein ander fundē da solch
lust vnd freud nit innen ist. Dartzū spricht er nit. Es ist nahe
eiwer hell oder verdammis/sonder das reych gottes. Was
ist das reych gottes nahe sein / anders dann das vnser erlö-
sung nahe ist. Das reych gottes sindt ja wir selbs/wie er sagt/
Luc. xvij. Sehet das reych gottes ist inwendig in eüch selbs/
darumb nahet sichs dan/wañ wir schier sollen erlöst werden
von sünden vnd vō übel / den in diesem leben fahet es an im
geyst/aber die weil wir noch mit den sünden streyten müssen/
vil übels leyde/dartzū der tod noch vor vns ist/das reych got-
tes noch nit volkummen/wañ aber nun sünd vnd todt mit
allem übel von vns genömen wirt/da ist den volkummen/
das sol thün der jüngst tag/vnd nicht geschehen in diesem le-
ben. Darumb lieber mensch syhe dein leben an / forsche dein
hertz/wie das sey gesyndet gegen diesem lebē/es wirt dir bald
zū schandē/sonder denck vnd sterck dein glaüben/das du die-
ses tags nit erschreckest mit den verdampften/vnd verkerten.
sonder sein begerst als dein erlösung/vnnd des reichs gottes
in dir/das wañ du in hörest nennen / oder daran gedenckest/
dein hertz dantze vor freüden/vnnd sollich nach im verlang/
wirstu nit dich daher richten/so denck nur nicht das du sunst
besteen werdest/wañ du gleich aller heyligen werck hettest.

Warlich ich sage euch. Disz geschlecht
wirt nit vergeen/biß das alles geschehe. Hym mel
vñ Erden werdē vergeen /aber meyne
wort werden nicht vergeen.

D

S Warumb macht der herre seine wort so fest vnd theüwer:
vñ bestetigt sie so über die massen hart mit gleichnussen/mit
eyde/mit warzeychen des geschlechts/welchs da neben bleybē
soll/vnd das auch eh Hymel vnd Erdē vergeen sollen. Das
alles geschicht darumb/das wie daroben gesagt ist/ alle welt
so sicher wirt sein/vnd die zeychen mit sehenden augen so gar
verachten/das freylich kein gots wort/so gar veracht gewes
sen sindt/als diese sein werdē/da er den jüngstē tag verkündi
get vñ verzeichnet/es wirt vor aller welt scheynen/es sein die
zeychen nitt/vnd ob sie schon sehen/werden sie doch nit gläu
ben das auch die außserwelten möchten zweyffeln an solichen
gottes wortten vnd zeychen/auff das also der tag eben kom
me/wan die welt noch nye so sicher ist gewesen/vnd werd auff
eynē aügenblick vbercylet in der höchsten sicherheit/wie sant
Paulus daroben eingefürt ist. Darumb will Christus vns
ye gewiß machen vnd auffwecken das wir des tags ja gewiß
lich wartten/wen die zeychen kommē vnd zwar ob gleich die
zeychen vngewiß weren/ists doch denen on alle far/die sie ge
wißlich da fürhalten/aber ferlich denen die sie verachtē. Dar
umb laßt vns des gewissen spilen/vnd die obgesagten zeychē
für die rechtschuldigen halten/auff das wir nicht anläüffen
mit den geystloßen/selen wir/so haben wir doch troffen/selen
sie aber/so wirt es gefelet mit in bleyben.

Dis geschlecht nennet er die Jüden/vnd zwinget hie dieser
sprüch klerlich/das nit war sey/die gemeyne rede/das die Jü
den sollen all Christen werden/vnd füren den sprüch dartzü.
Johā. x. Es wirt ein hyrt/vnd ein schaffstall werden/welcher
ist erfüllet/nit da die Jüden zü den Heyden/sonder da die hey
den zü den jüden tratten/vnd Christen worden zür aposteln
zeyt/wie es auch sant August. vil mal auslegt/auch die wort
Christi selbs geben/da er sagt Johan. x. Ich hab noch andre
schaff/die sindt nit auß diesem schaffstall/die müß ich auch
holen. Vnd sie werden mein stym hören/vñ wirt ein hyrt vñ
ein schaffstall werden. Die syhstu klerlich/das er redt vō den

heyden die zū dem jüdischen schaff stall kommen sindt/dar/
umb ist der spruch lengest erfüllet / aber hie spricht er/diſſ ge/
schlecht sol nit vergeen biß an das end/das ist/jüden die Chri/
stum creüziget haben müssen bleyben zūm warzeychen/vnd
ob jr schon vil bekert werden/so muß doch das geschlecht vñ
die art vber bleyben.

Es haben auch ettlich sich bemühet wie hymel vnd erden
vergeen sollē/nemē den blindē heyde Aristo. zū hilff der muß
in Christus wort außlegē/vnd sagē das hymel vnd erden nit
nach dem wesen/sonndern nach der gestalt vergeen werden/
wissen vil was sie sagen. Wan sie es also verstünden / das hy
mel vnd erde etwas sein/so wer es wol recht/ aber laß die blin
de faren/du salt wissen/das gleich wie vnser leichnam auch
nach dem wesen/verwandlet werden/vnd doch eben die sel/
ben widderumb auch nach dem wesen gemachet werdē/ also
wirt hymel vnd erde/am jüngsten tag mit allē elementen/vñ
was allenthalbē ist durchs feür/ zū schmelzt vnd zū püluert
werdē/sampt aller menschen cörper/das nichts den eittel feür
allenthalben sein wirt/vñ als bald darauff alles widerumb
new auffſ aller schönst geschaffen/das vnser cörper hell leüch
ten werden/wie die son/vñ die son sieben mal heller dan sie
yetzt ist/dauō sagt. ij. Pet. iij. des herrē tag wirt kōmen/in wel
chem die hymel werdē/mit grossen sturm zurgeen / vñ die
Element werdē vor hitz zurschmelzen/vnd alles gepew auff
erden zu puluert/aber new hymel vnd new erden / vnd was
er vns verheysen hat/gewarten wir/darjn wirt die gerechti/
keit wonē/so bezeügt auch S. Pau. j. Chozin. Das der jüngst
tag im feür wirt offenbar werden. vnd Esa. xxx. Vnd das
licht des Mons wirt sein wie das licht der Sonnen/vñ die
das licht der sonnen/wirt sein siebēfeltig/gleich als ein liecht
vō sieben tagē zū der zeyt/wan got seins volcks wunden ver
binden/vnd die selbige seiner verletzüg heylē wir. Item. lxxvj.
Schet/ich schaff new hymel vñ new Erde/vnd der vorigen
wirt nit meer gedacht werden/sonder jr werdet eüch freüwen

vnd springen ewigklich/in denen die ich schaffe. Darumb ist
diß vergehen nitt allein nach der gestalt / sondern auch nach
dem weßen / es sey den / das du nitt woltest das verweset heyß
ßen / das zu puluer wirt / biß man es nit findē noch sehen kan /
wie die verbranten körper zu aschen vnd zu nicht werden.

I Wo bleyben aber die weil vnser Selen / weñ an allen or
ten der creatur eyttel feüwer sein wirt vnnnd kein podem noch
raum. Antwort. Lieber sage mir wo sindt sie yetzt. oder wo
sind sie weñ wir schlaffen. da sie nichts wissen was aussen am
leybe vnnnd allen leyplichen creaturen geschicht / meinstu das
got nit vermüg die sele in seiner handt bewaren / das sie nym
mer gewar werdē / wie hymel vnd erden zu puluer wirt. oder
meynstu er müsse eynen leyplichen stall dartzü haben / wie ein
hyrte zu seinen schaffen. Es ist genug das du wissest / sie sindt
in gottes handē / vnnnd in keyner creatur schoß oder raum ob
du nicht wissest / wie das zu gee / laß dich nicht irren / syntenal
du noch nit erlernet hast wie dir geschehe / weñ du entschleffest
oder auff wachest / vnnnd kanst nymmer wissen / wie nahe dir
schlaff oder das wachen sey / damit du doch teglich vmbgeest
wie woltestu den diß erfahren. Es heyst / Vatter in deine hen /
de befylheich meinen geyst / da bleibt es bey / in des wirt hymel
vnd erden new / vnd vnser leybe auch / vnd werden wider le /
bendig zur ewigen seligkeyt. Amen. Wen wir wüßten wie die
selen behalten würden . so were der glaub auß / aber nun wir
faren / vnd nit wissen wo hien / wagens auff got vnd in seyne
hende / bestaet der glaube in seiner wirde.

I Am Letzten.

I Wüßten wir auch ein wenig geystlicher deutüng sehen / über
diß Euangeli. Die Sonne ist Christus / der Moñ die kirchē /
die Stern / die Christen / die Kreffte der Hymel sindt die Pres
laten oder planeten in die kirchen. Nun die leypliche zeychen
bedeüten gewißlich wie es schon lengest ergangen ist / vnd er
geet in der Christenheit / dann sie volgen nach dem verdienst
der sünden / dreüwen vnnnd zeygen die straff über die selbigen

das die Sonne iren schein verleürt/ist kein zweyfel/es bedürt
das Christus nit leuchtet in der Christenheit/das ist. Euan/
gelium wirt nit predigt/vnnd der glaub verlischt/das kein
gots dienst meer da ist/geschicht vnd ist geschehen durch men
schen lere vnd werck/vnd syzt der Bapst an Christus stat in
der kirchen/vnd leuchtet wie ein dreck in der lucern/er mit sey
nen Bischoffen. Pfaffen. Mönchen/die sindt es/die vns die
Son verfinstert habē/vnd an stat der rechten gots dienste/
auffgericht ein gözen vnd pozen dienst mit Platten. Kut/
ten. Kleydern. Pfeyffen. Leuten. Syngen. Klingen/o Fin/
sternuß/o finsternuß/daraus mußte folgen/das der Mön/
auch kein schein geb/das ist/da der glaub verlasch/mußt die
liebe auch verleschen/das man kein Christliche werck meer se
he/kein exempel funden würde/da cyner dem andern dienet/
sonder das volck nur auff gözen vnnd pozen werck gefüret
würde/zü stifften messen/vigilien/altar/capellen/kelch/glockē
vnd des gäckelwercks. O finsternuß aber mall.

I Den sal der Stern/deüte ich dahin wan ein mensch tauüfft
vnd Christen worden ist/vnd darnach ein pfaff oder münch
wirt/glaube mir wer do will/wer nit will der laß es/ich weyß
was ich sage/ich sagenit/das sie alle verlorn werden/got kan
wol im feüwer ethaltē/welchen er wil. Aber das sage ich/wer
Pfaff oder Mönch wirt/in dem namen das er eynen seligen
standt will annemen/der trydt von Christlichen glauben in
den vnglaubē/dan den stern soll bedürt nicht die groben sel/
le/als da ist/mord/diebstal/sondern den fall vom glauben/
pfaffen vnd münch (wo gott nit wundert sonderlich) sindt
ires standts halbē gewißlich abtrünnige verleückente Chri/
sten/das kein erger volck aufferde ist/die Türcken sindt auch
vnchristen/aber in zweyen stücken sindt sie besser dan diese.
Züm ersten das sie nit sind Christen oder stern gewesen/auch
nit vom glauben tretten. Züm andern/so thün sie kein sün/
de an den sacramenten/aber diß volck macht auß der Weiss
ein opfer vnd güte werck/thut das teglich vn vnzellig/wel/

ches doch die aller greulichst verkerung ist die vō der Sonnen
beschienē ist. Kurtzumb/wer durch werck vñ geistlich standt
wil from vnd selig werden/der dritt vom glauben/vnd feldt
vō hymmel/dan allein Christus plüt muß vns from vñnd
selig machē/darumb wan du einen stern fallen siehest so wisse/
das es heyst Paffen (Münch) Nunnen werden.

¶ Das aber dieleüt verschmachten vor gedrengē bedeüt die
marter/so des Papssts heiligen vñnd verfallen stern haben/
dan sie thün groß ding vnd ir gewissen hat doch nymer frid/
wie die ganz geschrieft ir wesen nennet mühe vnd arbeit.

¶ Das braussen der windt vñ raüschē der wasser/sindt der
weltliche stand/vberst vñnd nyderst/da kein fürst/kein landt
mit den andern Eins/kein treüwe/kein zuuersicht vnder ein
ander ein yeglicher auff das sein gericht/damit ist auch kein
straff/kein zucht/kein forcht auff erden/vnd geet alle welt/in
fressen/saüffen/vnkeüsheit vñnd in allen lastern frey/das es
saüffet vnd praüset.

¶ Die Krefte der hymel/sindt vnßere planeten/vnßere geyst/
lich junckhern vnd tyrannen. Papsst. Bischoffe vnd ire gesel
len/die hohen schülen/die so tieff in das weltlich regimēt gut/
eere vnd lust gefessen sindt/mit aller sicherheit/das sie gemey/
net/sie weren nit planeten/das ist Errones/den planeta auff
Friechisch heyst ein irriger/der keynen rechten wegt geet/son/
der nun hinder sich vnd zu beyden seyten/wie die planetē im
hymel auch thün/das legen die deütschen auß mit cynē sprich
wort/vnd sagen die geleerten die verkeren/das ist das geyst/
lich regiment ist eyttel planeten/nun aber das Euangelium
auff bricht/vnd zeygt in an ire tugent/vnd ferbet sie mit irer
eygen farbe/das es vngelerte gözen vnd seel verfürer sindt/
wöllen sie zornig werden/bewegen sich/vnd ein constellation
treten zusamen/wöllens mit Bullen vnd Bapyr schützen/
drewen eine grosse sindtfluß / aber es will vnd wirt sie nichts
helffen/der tag bricht an den wirt man nit vnder den scheffel
stürzen/als were es ein wachs liecht.

Das gleichnuß vom feygen baum / syhet mich an / als sey
es die heyligen schriefft / die bißheer vnder der banck gelegē die
schlecht auß hat pletter gewonnen / das ist jr wort bricht auß /
den in Zwölffhundert jarē / ist sie nit so verzer auß die sprach
Auch nit also bekant gewesen / das ist aber mir kein zweyffel /
das die schriefft ein feygen baum sey / als das leichtlich zu be-
weren ist / den das sindt die feygē bletter / do Adam vnd Eva
sich damit decken / dan der schriefft braücht ymer der alt Adā
sich damit züschmückē / Also muß das büch herfür / die bletter
müssen grunen / vnd hilfft nit das die Planeten vil darumb
sich bewegē / aber der Sömer ist nit ferre / wolt gott die frucht
volgtē den plettern auch / ich besorge es well nur bey den plet-
tern bleyben / dan wir reden vil vom rechten glauben / thün
aber nichts / das sey genüg vō der deutunge / wer weytter wil /
hatt hiemit ursach vnd anfang zü trachten / aber die Plane-
ten sollen dießer keines glauben mitt iren rotten / das ye die
schriefft war bleybe die in gibt grosse sicherheit vñ verachtüg
in allen gottes wortten wercken vnd zeychen.

Gott hab Lob.

®


Faint, illegible text, likely bleed-through from the reverse side of the page.



Fol 2145

(X 227 0 550)


128.



16-35-33

2-4



enliche vnnd vast
n die berueysung
ngsten tage / vnnd von
en / das er auch nit ferr
er sein magt.
D. M. L.

f vns / wir verderben.
Dath. viij.

